

摘藻堂四庫全書薈要

集部

欽定四庫全書薈要

集部

皇清文穎卷八十七

八

詳校官候選知縣臣吳甸華



欽定四庫全書薈要卷一萬九千四百八十八

集部

皇清文穎卷八十七

詩

言律詩

乾隆八年

聖駕東巡

盛京恭謁

祖陵大禮慶成詩十首

有序

陳世倌

洪惟我

皇上御極之八年庶績咸熙禮明樂備當累洽重熙之  
會溯經營締造之初

念禮隆報本合萬國以抒忱孝首尊

親虔一心以昭格況幽岐開基業之始典倍切於追崇  
而

園陵藏弓劍之區禮尤嚴乎禋祀於是以虞舜之大孝  
符周武之配京序值清秋時惟七月虔諏吉日恭

謁

祖陵奉侍

慈幃夙駕

鑾輅於時百靈擁衛庶官景從縣寓騰聲四野歌呼齊  
起川原生色萬郊禾黍俱豐出古北之雄關詣瀋  
遼之重地千重巔岫遙瞻

王氣之綢繆萬樹松楸羣仰神區之蔥鬱  
闕宮祇祓典禮燦陳帳殿齋居質明將事

孝推一本孚愛懇於僎聞愼見之餘誠徹九原通神明  
於陟降上下之際

皇上肅然止敬穆乎無言緬

祖宗創造維艱地闢天開允垂卜世卜年之久念子孫  
繼承不易膺符受籙敢忘克勤克儉之模禮徐遍  
於

三陵忱每將夫一敬告成大祀乃燕明廷助祭百工均  
頒酒脯輸誠六服咸與几筵大官之水陸畢陳飲

御之公卿既醉爾乃

袞垂藻火面南離以

當陽廷肅鸛鸞共北辰之居所黑齒趨蹌於王會雕題  
拜舞於

天朝德教遐宣奮揚斯舉火荼日月黃麾動而七校齊  
開龍虎鳥蛇畫角鳴而八陣咸合左射右射並宣  
天子之威大綏小綏仍戴

聖人之德而且推恩無外錫類多方自王公以逮軍民

槩沾膏雨由京邑以連荒徼普煦陽和旣時邁而  
伸殷薦之誠乃

回鑒而理垂裳之治此皆

皇上德孚蒼昊孝通神明乃與圜丘祀

天方澤祀

地之禮並隆千古也臣忝掌絲綸徒塵政府謬司教習

無裨吉人弗獲隨從

乘輿式觀典禮時逾三月未聆訓行于



天言身領百寮莫效肅雍於相祀敬成七律聊抒戀  
主之愚忱恭賦十章用志饗

親之達孝云爾

熙朝區夏肇東瀛天作高山啓

大清

三后神靈時陟降

一人統御際承平

祖宗文武垂先烈

原廟衣冠想舊京  
報本不忘親享祀  
旋看奏假賚思成  
鵷班拜手送

鸞輿

帝侍

慈闈問省餘神列  
勾陳隨輦後時當  
零露屆秋初閭闔  
共慶寧居樂稼穡  
覘大有書更喜太平  
真氣象出關  
民物似華胥

王氣蒼茫屬瀋遼  
陪都東去路迢遙  
渾河曲折環邊極

鉄嶺崢嶸接斗杓  
龍虎萬年長拱抱  
精靈五夜每趨朝  
橋山弓劍歸藏地  
時有紅雲上九霄

祠官典禮疊相承

列聖居歆儼式憑  
僊見愾聞通一氣  
水源木本溯三陵  
染盛潔處齋心達  
管絃焚餘香靄升

聖祖昔年殷薦後  
又看繩

武肅嘗烝

履武姜嫄推

聖母篤生

始祖事神奇燕天

高帝初光宅纘緒

文皇實肇基

王業艱難垂世德

皇心乾惕協靈祇

闕宮盟薦抒誠恪有道

曾孫對越時

燕喜一堂羣受祉

天厨稠疊

湛恩宣漢高沛邑歌風日建武南陽置酒年長白嵐光  
遙對席松花江色靄浮筵

君臣宛似家人會既醉歡欣

黼座前

殿名崇政肅朝紳稽拜信桓及遠人鶚立鵷翔齊舞蹈  
黃支烏弋並尊親八荒在闡聯中外六合為家篤主臣

應遣畫師閤立本圖成王會獻

丹宸

雍容典禮敷文德震爚川原耀武功陣合鸛鷺緣大閱  
軍分荼火為臨戎網留一面湯仁在禽失三驅易象同  
却笑揚雄誇羽獵何如吉甫詠車攻

恩詔頒來速置郵

德音汪濊徧神州聽將匝地歡呼動知是經天惠澤流  
錫類定能孚血氣宣威不獨鼓貔貅

聖朝至治歸仁孝庸行從來即大猷

告成大禮返

皇畿路過灤河望

六飛發

駕金風方颯爽迴

鑾玉雪正霽霏舞成七德揚翬羽庭列千官拜袞衣赤  
鳳白麟休獻瑞太平端拱自巍巍

聖駕東巡

盛京恭謁

祖陵大禮慶成詩八首

有序

于振

我

皇上御極之八年泰階既平百揆時敘禮樂明備朝野

熙恬於是述

祖德頌

宗功有事於

三陵禮也

臣竊惟謁



陵展孝為典最鉅載籍雖遠然漢唐以來可得而稽也  
漢嘗以正月上陵百官四姓公主諸大夫外國朝  
者侍子郡國計吏咸會至期晝漏初上大鴻臚設  
九賓於寢殿鐘鳴謁者引客就位如儀乘輿自東  
廂下升階展拜大官尚食太常奏文始五行之舞  
郡國上計吏以次前當神軒告其郡穀賈人所疾  
苦欲神知其動靜焉唐禮朝陵之先日設黃麾仗  
周衛陵寢至日質明七廟子孫及諸侯百僚著服

君長皆陪於司馬門內上至小次降輿入門再拜  
躬親執饌閱視先帝后服御之物引諸功臣並入  
執爵進俎奠訖乃復蓋孝子事親曲盡愛敬之心  
有如此者漢唐諸君去古已遠然未嘗不緣情制  
禮以為法於後世故垂諸史冊以昭令式良有以  
也臣伏見我

皇上御寓以來盡孝盡誠善繼善述體

祖

宗之心以為心法

祖

宗之政以為政優乎如見愾乎如聞盖未嘗一日釋也  
洪惟我

朝發祥長白奄有中外肇萬世無疆之休實由我

列祖

列宗積德累仁承

天景命豐功駿業昭垂奕禩肆我

聖祖六十一年之中三謁

園陵恪脩祀事孝之至仁之極也我

皇上敬繩

祖武諏吉日飛六龍奉

慈寧備法駕百官咸會六師景從遂屆

興京舉行

盛典於時天澄其氣日朗其精松楸蔚然

闕宮肅穆

皇上萃精神嚴對越孝敬之至通於

神明洞洞然屬屬然視於無形聽於無聲念經營締造

之維艱思夙夜敬承之不易籩豆既飭肝鬯如聞

皇哉唐哉亦孝之至仁之極也昔周之王也定鼎

郊廓卜世卜年承承繼繼然姬公陳王業之艱難

述農夫紅女衣食之事以推本風化之所由興必

以始基靖民歸之后稷十五王而文始平之十八

王而康克安之蓋創業垂統若斯之難也故曰周

家世篤忠厚以成其福祿而啓佑後人我

祖

宗亦世啓鴻圖以昭茲來許而垂諸萬祀

皇上席重熙累洽之盛而不忘小心昭事之誠以視思  
文之頌后稷于邠之咏公劉惟此王季貽其德音  
至於文王維新厥命光懿顯爍何以加焉彼漢之  
衣冠出游唐之薦衣獻服直瑣瑣耳曾何足以媿

此

鴻庥光斯

盛烈也哉臣忝列詞垣濫竽律館雖未獲躬隨

法駕預於駸奔之末而朝夕論思日月獻納抒下情以  
通諷諭宣

上德而盡忠孝雖學殖荒落然雍容揄揚比於雅頌亦  
其職也夫

盛德所孚櫪馬猶知仰秣

太和感召游魚尚解揚鱗况臣庸愚敢忘舞蹈因不揣

蕪陋拜手稽首而獻詩曰

萬乘東巡展孝思  
鳴鳶前載漾微颺  
濕雲頻掃開芳甸  
晴日平臨滿畫旗  
漢代歌風追鎬洛  
周家卜世溯幽岐  
起居晨夕依

行殿仍似

深宮定省時

高山天作發祥初  
長白縈迴結陬區  
鴨瀆仙源瞻王氣  
鵲銜靈果啓鴻圖  
黃麾宿設周廬仗  
赤伏還陳



受命符載撫栢捲欽

祖德

宸襟彌自歛盤盂

萬峰乍窈藹松楸鬱鬱蔥蔥佳氣浮

寶祚無疆知地脉

曾孫有道荷

天庥衣冠拜處朝儀肅

綸綍宣時惠澤流春露秋霜方

休惕歡聲早已動

皇州

雉堞崢嶸香靄間

睿謨握勝控雄關南臨渤海兼遼海東接松山與杏山  
應運功成遺壘在

太平日久戍樓間即今雞犬桑麻地饗蜡吹豳自往還  
悠悠旌旆靜無譁來享來王總一家到處如安記里鼓  
遣歸不假指南車鸞黃褶麗隨

天仗狐白裘溫扈

翠華欲倩龍眠高畫手摹成王會示荒遐

朔風凌競馬驂驪鶴鶴魚龍士所諳伏札能穿何論七  
前驅不誠總開三千屯月上霜威列萬幕雲深雪意酣  
日暮放且鉦鼓臥又聞

帳殿啓經函

萬幾清暇富文章頃刻龍鸞天際翔

賦就

盛京思

劍舄

舞成

世德念

羹牆宮懸肄業

皇猷壯瓊笈鐫摹

御墨香蠡管詎能窺

聖學願偕儀鳳記鏗鏘

冬序初迴是小春一陽來復屆芳辰

鸞輿過處衢歌溢

鳳輦歸時巷舞頻共識

盛朝隆典禮咸知

純孝格

天人

小臣

愧乏卷阿頌鼓腹聊同擊壤民

聖駕東巡

盛京恭謁

祖陵大禮慶成詩八首

有序

王會汾

臣伏見

皇上御極以來

至治覃被浹于中外鴻文盛儀靡不徧舉

孝思蒸蒸格乎

天

祖今年秋七月

車駕幸瀋陽奉

皇太后謁

陵廟祇祇翼翼大禮紀成傍推典章所宜柴燎望秩羣  
祀山川咸享明薦爰暨開國勛勞之臣亦酹尊爵  
仁義嘉孚上下協應時則有屬國遠藩名王侍子  
翎侯貴人咸馴我

聲教愴我

威靈亘塗萬里鼓舞修職

皇歡載洽大號用孚

湛恩滂洋幽遠胥洎迺孟冬吉日旋

蹕闕庭備福受祉百官兆人懽喜歌呼共慶無疆萬年  
之庥謹稽古者天子有大功德大典禮則在位者  
作為歌詩揚舉懿美流連勿忘所以備朝廷之養  
憲達羣下之至情不可已也况

聖天子陳常立極巍巍

孝治邁古有光舞之蹈之宜在今日

臣

以愚陋荷特達

殊恩得列近侍拜颺



庶烈臣實職之雖辭謫理薄不足仰頌

聖明于萬一尚願隨轅童壤翁之後抒其詠謠以美  
上德之至盛光千載於禮儀云爾

東巡秋燦

九重霞黃道天開引

翠華父老望深豐沛地禮儀光盛

帝王家

龍旂紫塞懸弓月虎旅青霜拂劍花見說

歡顏動

文母我

皇親侍彩鸞車

晴色千林宿雨收望中禾黍翠盈疇香迎

豹尾騰雲合影轉蜺旌穗露浮已報豐年書太史便行

秋稼指神州從臣共識

皇情豫駐

輦時時賦滿篝

漠雲如海散朝煙皎皎青霄赤日懸遙望氣雄元菟郡  
更欣春照紫濛天呼嵩動地名王拜震電驚霆大號宣  
萬里星躔拱

宸極

盛朝威德被無邊

祖宗神武奠鴻功

靈命長祥

帝所鍾萬歲山光穀林樹千年雲氣鼎湖龍堆明金粟

瞻

冠劍路駐

仙旂繞柏松此日

精虔奉嘉薦樂歌清廟叶黃鐘

寢殿崔嵬閼九闕遺弓瞻省動

龍顏青丘丹水經營地禹甸堯封氣象還星宿久澄霄

漢上熊羆長守翠微間

孝思孚感無窮意相照金碑玉藪班

南陽白水睹

真人舊里今朝景物新  
天漢流精延析木  
醫閭修職貢  
玕珣大風表海明  
樓殿絕島浮洲帶鳳麟  
一自重瞳臨眺後山州  
全覺露精神

六龍時邁煥宗周  
鉅典瓌文次第修  
為想丹青開駿烈  
已知川嶽遍懷柔  
露蕭車馬東都會  
香案煙雲

北闕浮

天上詔書銜鳳觜  
飛來春色滿神州

太平天子上

陵迴晴日千門萬戶開  
星緯珠囊增潤處  
鳳儀璫管應  
風來金甌永固占神策  
玉燭平調仰

睿才共慶

孝思繩

世德蒼生流福詠康哉

聖駕東巡

盛京恭謁

祖陵大禮慶成詩八首

夏廷芝

熙朝孝治久昭融緒纘前徽

帝德隆垂創艱難追

駿烈聲靈赫濯湖

鴻功橋山松棟千春鞏

原廟椒馨一氣通

翠輦親臨崇報本淵源默契總相同

清時典禮重明禋

駕擁龍旂正及辰沙磧千山森壁壘羽林萬騎肅鈎陳  
已看琛賫來重譯並使懷柔及百神絕徼歡聞宣德化  
黃旄朱節紀東巡

插天長白聳丹霄鴨綠滌洄江水遙州接青營雄地軸  
野分箕尾煥星杓素題樸栢風猶古白馬彤車績尚昭  
列祖

神宗貽蔭遠千年儉德溯陶堯

寶城葱鬱護雲煙肝蠶初升對越虔



玉匣袞龍垂奕代

寢園弓劍感當年

宸衷肅穆抒三獻典禮精誠奉百籙至德中孚能合漢  
仁恩從此洽垓埏

祝嘏頻聞告孝慈中和雅奏啓純禧百年禮樂涵濡日  
九廟神靈悅豫時往事何須追灞杜永年直欲邁周姬  
推

恩更自酬房魏寄酴長深佐命思

黃花丹葉正清秋仰奉

慈顏頌作求視膳終朝陪

鳳輦承歡曉日近

龍樓九天作賦光霄漢萬國呼嵩拜冕旒

大孝由來天下養億年色笑進觥觥

景物

陪京衍慶長五雲開處坐明堂風清

帝里黃圖會秋滿

真人白水鄉

寵渥需雲頒虎旅

恩深湛露徧鵷行先時況有蠲租

詔部屋茅簷共樂康

蕃釐已降禮初成旆轉千貔野不驚十月陽春回海寓  
九重孝享洽幽明黃榆紫塞敷

天澤東鰈西鷄遍頌聲光烈覲揚昭萬古

小臣

珥筆矢

歌賡

聖駕東巡

盛京恭謁

祖陵大禮慶成詩六首

胡中藻

太平開國本岐豐四海車書此會同  
天列星辰朝斗北地趨龍虎抱關東  
貽

孫冊府存堯字似

祖輿圖尚禹功最是

橋山冠劍在每逢霜露塵

宸衷

馨香

園寢戒明禋典禮

時巡護六師祝史剛辰蠲九月犧人牲帖報先期蕭闕  
北擁風雲騎沛上東開虎豹旗令節雒陽徒故事薦新  
朔望陋常儀

艱難王業咏生民潘水川南析木津五夜齋心符後甲  
六龍御輦戒初辛庖霜可補周三禮灌玉還陪漢九賓

父老嵩呼齊拜舞太平

天子肅明禋

奏罷咸池思邈然朱華朝拂引回鞭要知侯國耐金日  
猶是塗山執玉年黃目光流侵月露祥雲風裊篆鑪烟  
曾孫別有馨香處世德尋求答

在天

殷土芒芒控九州昔年麾指定諸侯高山已作天東顧  
瀚海無波水北流龍旆卷舒隨

輦輅地靈今古護松楸散齊

行殿重回首雲氣蒼蒼五朵浮

列祖精靈想像間

留都周覽悅

天顏歌風

御筆東京賦燕鎬從官六膳

頒遂有需雲同九埜先瞻解雨下三關

回鑾奏頌多文藻染翰慙隨供奉班

皇清文頴卷八十七



欽定四庫全書薈要卷一萬九千四百八十九

集部

皇清文頴卷八十八

詩

七言律詩

恭和

御製駕幸翰林院賜宴分韻聯句後復得詩四首并示

諸臣元韻

鄂爾泰

日麗風和宛似春

詔筵清秘念儒珍才非房杜懷三德身際

唐虞愧十臣奎壁每瞻星畧近蓬瀛乍覩物華新恩叨

醉酒深

五字張  
說句難比

親賜香醺重一巡

辨色開晨集孔鸞摠衣索筆盡彈冠詞林禮樂千秋會

冊府

君王一例看細草銜

恩青茁茁高梧向日碧團團方塘却少源頭水魚藻欣

添太液瀾

文淵道脉本參聯

宸睠頻宣雅頌篇葵藿心傾惟翊

聖鹽梅寄重愧非賢鰲頭北面霑時雨豹尾南移拂曙  
烟沙路萬人齊額手

東王公頌玉堂仙

風雲契合樂融融襄贊誰堪慰

聖衷

天自居高心益下書方出洛道逾崇崆峒逸事真無藉  
洙泗清源喜大同誓答

恩光驚老至橘陽紀月日禺中

恭和

御製駕幸翰林院賜宴分韻聯句後復得詩四首并示

諸臣元韻

張廷玉

太和蒸作玉堂春得近瓊筵飫鼎珍德仰義文今

聖主心儀房杜古名臣須臾

鳳藻從天降咫尺

龍光映日新俯伏花磚承

指顧載聆

榮譽重逡巡

特許瀛洲集鳳鸞簪毫雅稱進賢冠席容玉荀分行坐  
酒

賜金罍帶笑看共聽簫韶仙樂舉近瞻

黼黻瑞雲團隨風咳唾皆

恩澤劉井中涵太液瀾

垂垂白髮首班聯拜捧

虞廷喜起篇職忝三公慚論道身依

上聖敢稱賢傳家富有金泥籍滿袖濃攜寶篆烟更愧

攝官居秘省日趨

香案領羣仙

久已乾坤協氣融日躋

聖敬抱淵衷持盈每鑒登封侈鳴豫深望祀崇辭貴

立誠垂世則政斯行健與

天同不須太史書邦瑞會見麟遊上苑中

恭和

御製駕幸翰林院賜宴分韻聯句後復得詩四首并示

諸臣元韻

福敏

木天高處占先春  
鎬宴榮叨席上珍  
一代文章開秘府  
千秋遭際重儒臣

金鑾近接光華迥  
芸署偏霑雨露新  
歡洽鵷班歌喜起

獨隆今古此

親巡

霜明仙仗動

儀鸞廣樂調時盡振冠珽管佩攜應並記花磚座接得  
頻看薇垣夜燭奎光爛珠樹明浮扇影團珍重

賜書留壁府詞源還許識波瀾

雲漢為章玉作聯光添藜閣燦瑤編殊榮漫擬誇稽古  
盛事寧惟數集賢天酒濃分金掌露朝衣齊染



御爐烟紫霄香案由來說咫尺瀛洲便作仙

文物昭回瑞氣融持盈常自凜虛衷百年禮教

皇謨洽一字心傳

聖敬崇

泰運休明三代上英才陶鑄兩儀同

高深莫婉何由贊祇在唐虞典誥中

恭和

御製駕幸翰林院賜宴分韻聯句後復得詩四首并示

諸臣元韻

陳世倌

皇仁煦嫗氣如春川澤含輝嶽效珍奎壁有光聯日月  
宮商協律應君臣百年禮樂規模遠一代文章運會新  
特與詞垣昭曠典受

恩逾重轉逡巡

上苑花開待孔鸞

朝廷雅意重儒冠玉堂瑞靄千官集

寶翰輝騰萬衆看風泉雀壚香細細雲開雉扇影團團

瀛洲亭畔重題句似海詞源富綺瀾

華簪奕奕耀班聯既醉同賡湛露篇但即文辭能見道  
從來聖主必求賢鳳池演漾涵晴旭雞樹龍蔥幕曉烟  
顧影自慚雙鬢雪頭銜猶許領羣仙

陽月暄和喜氣融從容讌賞洽

宸衷仰承

睿澤心彌凜共勵儒修志益崇三葉尚留堯莢在五絃  
應與舜琴同欣逢

聖世光文治交泰咸亨一德中

恭和

御製駕幸翰林院賜宴分韻聯句後復得詩四首并示

諸臣元韻

史貽直

瀛海波迴浩蕩春鷄班分列

御厨珍已將酒醴歡多士更以鹽梅最近臣式燕禮成

麟閣重賡颺

思入鳳池新開誠廣益

皇心切不數封山紀扈巡

丹地深巖集孔鸞盍簪人盡慶彈冠

隆恩層疊三山似

睿藻輝煌七曜看法酒擎來仙露潤宮袍

賜出錦雲團從知此後登瀛客齊向文河溯水瀾

仗下清班煥璧聯木天重整荷

龍篇門連青瑣宜分草閣近丹梯號集賢五色鳳書凝

瑞靄三花馬鬣拂晴煙重來迴憶編摩地廿載曾參玉

局仙

喜睹

天顏瑞氣融  
慚無啓沃答

宸衷細流難益洪  
濤壯土壤何增岱  
嶽崇講易今逢交  
泰盛賦詩還慶笑  
言同文明

聖治隆千古  
兢業彌深

宵旰中

恭和

御製駕幸翰林院賜宴分韻聯句後復得詩四首并示  
諸臣元韻

任蘭枝

玉堂近接掖垣春石室圖球百代珍  
鳥革崢嶸動華屋  
工倕經緯壯虞臣  
槐廳領院

恩光重珠榜題楹氣象新  
法從迎

鑾皆鵠立喜瞻飛蓋引逡巡

羽葆威蕤拂鷺鸞  
堦除拜舞列貂冠  
天迴十月陽春好  
地帶三山瑞色看  
宴比傳柑醑滿樂和孤竹紫雲團

睿才頻見飛

鴻藻不借銀河萬頃瀾

南宮甲帳珮珂聯榮許同賡大雅篇文學信知平世貴  
論思終羨古人賢映來芸閣吹藜火攜得金爐惹袖烟  
頒賜重叨

天澤渥願招巖谷引儒仙

聖主敷文大化融旁求英俊仰

皇衷材儲卿相經綸遠道訪夔龍事業崇自識西京清



問切應看貞觀舊風同樹人已徧收麟鳳泰卦占爻日  
正中

恭和

御製駕幸翰林院賜宴分韻聯句後復得詩四首并示  
諸臣元韻

彭維新

恩溥蓬山早得春總教凡品化殊珍文章詎竟儒門事  
遭遇欣為

聖主臣丹地棟梁增絢煥木天階祀倍清新詞林望幸

心咸切五夜層簷幾度巡

仙仗旌旗裊鳳鸞沙隄鷓鴣肅衣冠海升日色橋邊曙  
署建霞標畫裏看

御輦一臨光有耀玉堂是處錦成團圖書萬卷資陶冶  
障取文河浣演瀾

環依

黼座列班聯侍宴均歌湛露篇疊睹

天章文載道頻煩

帝訓士希賢聲和遠協虞廷奏香重平連

禁苑煙即此便成蓬閬境無須海外問神仙

雲爛風恬景象融

帝歌喜起鬯淵衷巴詞那叶鈞天韻土壤何裨泰岱崇  
夕惕朝乾靡有間北門東觀豈能同禮成賞洽紆  
鑾輅芝蓋焜煌日正中

恭和

御製駕幸翰林院賜宴分韻聯句後復得詩四首并示

諸臣元韻

張照

由來

天笑物皆春况乃文江集妙珍  
禮樂百年歸

吉主圖書兩序領元臣

御光涵日龍成采仙筦調風鳳  
試新拜

錫琅玕開月窟蟲魚莫問舍人巡

棟間迴鳳更翔鸞五色榮光珥復冠  
河漢昭回如有意  
烟雲飛動不容看七分入木

仙豪健肆筆成書垂露團賦述千秋推實泉奚曾目涉  
此雄瀾

句截黃金玉刻聯瑤華札降捧

宸篇詩同漢帝七言倡韻取唐臣五字賢

劉長卿云五  
言律如四十

個賢人著一  
個屠沽不得

情有餘芬還得句筆無停趣下非烟今朝

五色雲多處若個真同脉望仙

騰華照宇日初融

神動天行淵默衷穆若思文還下武勗哉宋璟更姚崇

泰包四德宜惇勉坤繫三言尚克同由豫盍簪  
恩澤渥交咨即在讌歡中

恭和

御製駕幸翰林院賜宴分韻聯句後復得詩四首并示

諸臣元韻

汪由敦

冰署先吹暖律春

御筵香靄荷分珍晴霞曉散蓬瀛境湛露

恩均侍從臣東壁詩篇追自昔延英樂府記番新

讌次  
中和

清樂奏玉署  
延英之章

欣逢盛典叨

殊渥芳醞

親頒第八巡

是日賜酒

召至十三人

臣次第前

八

研丹點筆燦翔鸞高捧光騰近侍冠清秘深堂繞甃憩

喬皇

宸藻已傳看九霄星彩珠為斗五色雲機錦簇團自是  
聖涯涵溟滓望洋何處溯文瀾

玉音宸告肅班聯風雅淵源典誥篇

宣諭有因文見道  
不專尚詞章語

保泰百年欽

主聖賡歌一德勵臣賢  
繽紛更拜承筐賜馥郁同攜滿  
袖烟欲笑金鑾傳密記祇從游幸詫羣仙

元氣均調

聖澤融儒風遐邇仰

天衷鳳池波比滄溟濶  
鰲頂峯逾泰華崇廿載迴翔私  
感切千秋際會衆心同  
惟將稽古孜孜意永戴

堯仁業業中



恭和

御製駕幸翰林院賜宴分韻聯句後復得詩四首并示  
諸臣元韻

劉統勲

翠輦移來翰苑春  
儲材深望得殊珍  
付將調燮經綸手  
領此文章侍從臣  
師濟官寮周道擁  
廟廊鐘鼓一時新  
沙堤何幸承

天步豹尾雲旗匝幾巡

阿閣宏開集鳳鸞  
六曹三省列儒冠  
誰知文苑英華盛

便作周官典制看

詩就千言波灩灩

榜懸七寶月團團  
詞臣同此親芳躋  
觀海人曾見紫瀾  
隆恩稠疊到班聯

溫語如聞湛露篇  
錫爵豈惟明尚齒  
承筐兼以示求賢  
宮商韻叶朱絃奏  
鼎鼐香凝玉篆烟  
甘露親從天上得  
縱教凡骨也登仙

開霽天光旭日融  
葵忱傾向矢丹衷  
西清敢詡詞章富

黃閣方齊相業崇

隆禮難酬千載遇

敷文已見萬方同  
勗哉珥筆承

恩者夙夜勤思夏屋中

恭和

御製駕幸翰林院賜宴分韻聯句後復得詩四首并示  
諸臣元韻

阿克敦

翰苑風和氣若春

御筵清樂足芳珍  
蘭臺棟宇光雲漢  
鳳沼簪纓集侍臣  
聖藻欣瞻同日麗  
宮羅初啓拜

恩新登瀛自昔傳  
佳話幾見

楓宸降輦巡

仙仗凌晨動彩鸞  
爐煙濃處進賢冠  
直同鵬拜千秋盛  
莫作歌風一例看  
書

賜瑤函春細細扇  
開雉尾影團團

皇情到此知何極  
萬里澄波海上瀾

清班列坐儼星聯玉署人歌湛露篇長使巖廊多俊士  
肯教草野有遺賢屏開

黼座留華省堂

錫嘉名帶碧烟何幸身依雲路近不須蓬島問神仙  
天語親承淑量融好將篤棐答

宸衷傳心不以詞章重紀盛還知禮樂崇詩誦緝熙期  
日進書陳兢業敢雷同自慚卅載簪毫吏姓氏重叨  
籍中

恭和

御製駕幸翰林院賜宴分韻聯句後復得詩四首并示

諸臣元韻

梁詩正

日華曉貢鳳池春學海千尋橐翠珍自古崇文歸論道  
即今

聖主得賢臣榮光上映圖書秘景運重開甲子新  
曠典寵驚前史罕幾番拜舞重逡巡

蓬山深處集鵷鸞橐筆爭我學士冠要識雲霄殊異數

莫將科第等閒看譜傳樂府韶韶奏宴錫官厨湛露團  
懽洽更聆

天語切聖門無涖一觀濶

榜署

天題珠壁聯詩成更賦柏梁篇幸蒙此日榮稽古却勝  
當年號集賢玉醴斟來親

御案綺文捧出帶爐烟瀛洲舊住神仙侶今更名標最  
上仙

東觀多才道化融勤思則古塵

淵衷書探宛委方稱富學貫天人信可崇月露漫誇千  
首麗堂廉合慶一心同幸隨元老叨賡拜身在唐虞二  
典中

恭和

御製駕幸翰林院賜宴分韻聯句後復得詩四首并示

諸臣元韻

錢陳羣

瓊筵晨啓坐生春



聖主親賢比握珍

鴻運百年興禮樂鹿鳴初什答

君臣袖中鰲禁香烟裊庭際瀛洲草色新插架

賜書千萬軸小留

天步到檐巡

璇題雲構好棲鸞環侍羣仙七等冠優渥

恩綸真異數琳琅

新句許傳看文光直上應千尺和氣融來是一團不泥

蓬壺清淺水也隨

學海助波瀾

賡歌體製擬珠聯百六詩成第一篇

步輦初臨叅

至聖頭廳並遣謁唐賢

院署有孔子神廟韓愈祠是日行禮有差

瞳矐日

影浮雞樹澹池風光上鶴烟不到五雲清秘地那知人

世有神仙

共欽

聖德日昭融

提命諄諄感寸衷縱有心期思樹立慚無學殖答登崇  
承筐賚予

恩光徧申宴叨陪第祿同楯陞千行誰不羨幾生修到  
玉堂中

恭和

御製駕幸翰林院賜宴分韻聯句後復得詩四首并示  
諸臣元韻

德齡

暖律吹迴十月春

皇恩稠疊重儒珍

奎文寵賁清華地

睿藻歡賡侍從臣  
仙掌迴開霞彩曙  
綺疏深網日華新  
史官濡筆書榮遇  
豹尾雞翹見

特巡

仙客紛來跨碧鸞  
峨峨盡戴切雲冠  
佳辰邀得鑾輿幸  
勝地真同蓬島看  
留覆錦袍憐彩纈  
送歸蓮炬見花團

何如

雨露今尤徧鳳沼光涵萬疊瀾

拜手欣隨鴈鷺聯抽毫載和

慶雲篇信知己治仍求治況得多賢更尚賢愛日晴薰  
書帶草緒風輕轉博山煙

聖心默與

天心契無事升中議集仙

玉署暉暉協氣融更於欽若仰

宸衷窮簷恒入經綸切藝苑先叨禮數崇既醉堯樽榮  
帝錫疊霑周露媿臣同欣逢泰運觀文化藹藹堂廉一  
德中

恭和

御製駕幸翰林院賜宴分韻聯句後復得詩四首并示  
諸臣元韻

塞爾赫

香烟縈霧暖疑春仗馬星羅雜綵珍南極曉開青瑣闥  
北門宵集紫微臣瞳矐瑞照雲衢朗輪奐巍瞻翰苑新

遙想千秋清秘地幾曾能得

六龍巡

隱隱層霄吹紫鸞漢庭公輔進賢冠藝林雅許千官入  
盛典容隨

萬乘看檻畔琪花香冉冉簷前寶蓋影團團

太平天子崇文日湛露

恩深鳳沼瀾

珠琲闌干錦共聯輝煌

睿藻冠鴻篇由來至聖超羣聖未必前賢邁後賢麗景  
三竿升秘閣沉檀萬縷篆祥烟人間信有蓬瀛路今日承  
恩便是仙

日耀微軀暖更融

殊榮踰格感

皇衷即看蟲鳥猶知化不是雲霄莫比崇虞夏精誠難  
再見漢唐高議豈能同從知

聖學寬如海盡在涵濡長養中



恭和

御製駕幸翰林院賜宴分韻聯句後復得詩四首并示

諸臣元韻

秦蕙田

恩到蓬山別作春集賢稽古重儒珍

勲華正啓文明晝

雨露偏霑侍從臣芸閣畫梁虹彩煥鑾坡晴日鏡光新

簪裾幸際垂裳盛異數今逢第一巡

絳闕平明下

玉鸞龍門鵠立進賢冠人從瀛海洲中見景向壺天畫  
裏看禮

聖博山香篆細呼嵩霄陞朶雲團瓊筵此日瞻依切渥  
澤平添鳳沼瀾

奎章朗照藥珠聯落筆旋驚典誥篇直以斯文昭

大訓惟將實學勵希賢九成樂播中和氣一脉薪傳鄒  
魯烟仰體

至尊流示意莫教空負玉堂仙

旭暖風輕瑞靄融  
羣歡天意契

宸衷名言莫贊

高深量至治胥覘

聖敬崇鳳嘖和聲三島合  
雲蒸喜氣萬方同  
自慚寸草  
曾何補並荷栽培化育中

恭和

御製駕幸翰林院賜宴分韻聯句後復得詩四首并示

諸臣元韻

勵宗萬

文教涵濡已百春山川貢瑞士懷珍

治超貞觀年間主心慕凌烟閣裏臣史館

親臨從未有玉堂佳話一番新賡歌燕衍存容儉不用  
登封續漢巡

樂奏簫韶集孔鸞千行劍佩列簪冠如春

溫語環階聽有喜

天顏侍坐看拜

賜名茶烹鳳餅捧歸文綺剪刀花團

瑤編更共雲箋錫學海均沾百尺瀾

五字

宸題似壁聯宴成走筆更

裁篇豈將黼黻誇詞苑欲以箴規勵集賢掃去浮華空  
月露自然藻麗湧雲烟瀛洲珥筆人何幸一食金丹骨  
便仙

小春風日

湛恩融

訓士懇懃仰

聖衷所貴因文而見道須知業廣乃功崇禮隆洙泗心  
源合世際唐虞

景運同自此菁莪看益盛連茹並進石渠中

恭和

御製駕幸翰林院賜宴分韻聯句後復得詩四首并示

諸臣元韻

張若靄

鑾引晨風輦路春簪裾夾道列儒珍

帝非游豫輕嘉讌

恩不偏私逮衆臣

御製柏梁序云編檢庶常  
吉士皆不獲與因復為柏梁體

芬馥滿

庭香篆細鏗鏘兩部樂懸新  
析波浮醴瀛洲署柱史從  
容記數巡

珠樹陰森集鳳鸞  
瑤階蹌濟侍貂冠  
尊前燕笑趨承切  
座上

龍光咫尺看

奎藻春生藜火艷

御袍黃映菊花團  
轆轤轉盡渟泓水  
難比

恩波百尺瀾

賡歌百六韻初聯  
拜賜還陳湛露篇

天眷獨鍾黃髮老

臣

愚深愧黑衣賢  
千絲心繭霞成綺

八餅頭網雪泛烟  
更展

瑯函窺

御集等閒食字已  
登仙

陽和十月氣冲融



天鑒明良一德衷

聖度不知滄海濶微塵詎益列山崇雲封芝檢從來訣  
鳳翽梧岡此際同履盛未忘吁咈意唐虞景運日常中

恭和

御製駕幸翰林院賜宴分韻聯句後復得詩四首并示

諸臣元韻

嵩壽

暖意微含十月春圖書府啓數家珍簪毫首列瀛洲客  
領袖還推柱石臣藜閣探奇人自昔花磚攢彩跡重新

恩波覃被深如海

御酒黃封又幾巡

蓬瀛仙侶集鸛鸞

帝闕爭彈貢禹冠  
署啓玉堂銜

命到燭移蓮炬帶

恩看依天清切紅雲捧  
直夜深沉碧月團  
圖史滿床供  
討索  
潘江陸海滙波瀾

明光通籍備官聯  
儒雅風流詩百篇  
東觀千年藏秘冊

西清永日集羣賢金鈴靜聽增疎韻寶鼎微添裊篆烟  
天仗近因叨扈從含毫獻賦職應仙

日照香階瑞氣融右文時復切

皇衷經帷召對

恩綸渥藝苑聯吟

禮意崇義畫禹書神自合周情孔思道還同

萬幾餘暇揮

宸翰坐見民生大化中

恭和

御製駕幸翰林院賜宴分韻聯句後復得詩四首并示

諸臣元韻

張鵬翀

寒林花木逗芳春綺席歌闌更

賜珍列坐賦詩徵喜起承筐有酒洽

君臣雍容侍從人文盛宏整詞垣氣象新俄頃

天章復垂示欲呈巴曲重逡巡

仙苑朝來駐八鸞玉階環擁肅衣冠道因文顯毋岐視

古作今型好諦看鳳沼新泉聲瀲灩黿峰老樹鬱團團  
論思清秘斬無忝未許尋常點墨瀾

鵷行黻佩影聯聯

賜帙心晞學古篇倘信卑夔書未讀可能房杜相稱賢  
闌邊小鳳烹清茗閣外飛鴻散紫烟獨愧樗材蒙

眷渥叨分官職是神仙

曝日常思獻暖融慚無素蘊答

淵衷文章少日傳王勃經術中朝重戴崇醴設本緣聯

上下宴酣還擬證和同日斜池上鳴歸珮猶在

龍光焰耀中

恭和

御製駕幸翰林院賜宴分韻聯句後復得詩四首并示

諸臣元韻

劉綸

蓬島先回十月春長筵叨飽

御廚珍簪紳次第隨仙侶几杖從容眷老臣宿聚魁三  
占象迥天臨尺五拜

思新風烏細轉諧金奏鈴索聲稀報酒巡

奎藻繽紛翥鳳鸞柏梁賡韻盛儒冠吟安竊媿含毫久  
奏

進還容鄰席看家有

賜書分玉軸人攜宮錦剪花團齋房

詔許顏清秘飛白騰光映翠瀾

重申

天語飭班聯見道長垂勸學篇石室遺文尋漢代金泥

故事陋唐賢槐廳靜對移磚影香案濃生惹袖煙獻納  
殷勤闕

睿慮謾誇翰墨署神仙

丹地新成麗景融黿頭占籍戴葵衷昌黎作社儀兼備  
宣聖親祠典更崇部列丙丁蒙

賚渥星迴甲子慶文同直教下士觀光遍鵲立青袍候  
日中

恭和



御製駕幸翰林院賜宴分韻聯句後復得詩四首并示

諸臣元韻

嵇璜

十月陽回冰署春榮

頒銀榜字懸珍丹扉降

輦隆

殊眷黃閣兼銜重老臣千載淵源瞻禮肅一堂清秘錫  
名新重逢甲子占文治元會初開第二巡

畫檐天矯起翔鸞雲擁仙曹肅珮冠七字柏梁臺上續

九成夔樂日邊看  
瑤觴暖泛松醪滿  
綺席香分菊蕊團  
晷影未移飛

睿藻早傾瀛海入文瀾

賡颺一德慶班聯  
豈樂羣歌在藻篇  
稽古集成從懋學  
因文見道勉希賢

至音雅叶鈞天奏  
寶篆晴霏瑞旭烟  
幸侍

玉皇香案畔底須蓬島作詩仙

清才承

詔愧王融惟有陽葵一寸衷錦市移來叨

賜渥彩牋捧出拜

恩崇書探冊府瑯環秘茗淪廉泉沆瀣同簪筆堯階傳  
盛事康歌遙賦九衢中

恭和

御製駕幸翰林院賜宴分韻聯句後復得詩四首并示  
諸臣元韻

張映辰

駕臨藝苑儼乘春此地曾儲廊廟珍見說人才關國運

從來

聖主得賢臣蓬壺久沐

恩光渥臺閣重瞻氣象新

錫宴從容謌旣醉不教委佩共逡巡

蘭署迴翔集鳳鸞一時榮路慶彈冠

璇題彩自雲中煥

睿藻高從天際看詞以艱深多理障書因通貫釋疑團

百川學海同歸海浩渺瀛洲好溯瀾

奎光五緯似珠聯拜手賡颺擬漢篇報

國文章期實學立身事業在希賢圖書儘許窺中秘冠  
珮常教惹

御烟今日所蒙稽古力漫言金錄會羣仙

黍谷春生暖氣融木天高譙暢

宸衷文因見道言須立頌不忘規


德愈崇酒醴笙簧

恩禮洽公孤卿尹後先同風吹僊仗

蠻迴處一朶雲飄桂苑中



皇清文頴卷八十八



總校官庶吉士 臣張能照

校對官檢討 臣郭寅

謄錄監生 臣藍嘉瑄

欽定四庫全書薈要

集部

皇清文穎卷八十九

九十

詳校官候選知縣臣吳甸華





欽定四庫全書薈要卷一萬九千四百九十

集部

皇清文頴卷八十九

詩

言律詩

恭和

御製駕幸翰林院賜宴分韻聯句後復得詩四首并  
示諸臣元韻

裘曰修

丹地

恩華釀作春階陳百戲席羅珍饈晉酒昇平宴鶴髮  
垂紳弼亮臣光賁尚方雲錦麗香分仙品露芽新便蕃  
異數簪毫紀义手槐廳日幾巡

奎章舞鳳字迴鸞捧出齊莪七等冠一串珠璣天際落  
兩行纓紱日邊看黃金鑄額霞成彩白玉為堂雪作團  
任是汀洲鷗鷺侶都來瀛海泛澄瀾

莫論壁合與珠聯寧獨風雲月露篇此日真成千載遇  
後來還數幾人賢探從碧落非無路步入藍田更有烟

為問三山定何許不將縹緲羨神仙

一堂和氣樂融融

天語欽承識

聖衷

當宁即今勞寤寐吾儕何以答

高崇百年恰值文明盛三接從知禮數同

香案前頭齊拜手珮聲真在五雲中

恭和

御製駕幸翰林院賜宴分韻聯句後復得詩四首并

示諸臣元韻

陳邦彥

詞館叨榮四十春白頭重預

御筵珍因文見道承

謨訓拜手賡歌契

主臣亘古未逢恩數異

至尊親幸物華新百年文治今逾盛甲子初開第一巡  
仙署虹梁集鷺鸞玳筵高啟重儒冠雕盤玉饌盈前列

廣樂鈞天對

御看風遞歌聲繞數轉日移扇影已如團

奎章累幅成分晷點筆疑傾萬丈瀾

簪裾壁合與珠聯宴鎬還歌魚藻篇共勉杜房扶雅化  
須知沈宋亦前賢

頒來文綺榮章服分得冰綃染麝烟何幸大羅天上會  
廿年間散復登仙

寒花迎

輦被春融瑞旭祥雲浴

聖衷萬卷賜書綳帙富五行頒賚

湛恩崇波添鳳沼風光麗

澤滿瀛洲雨露同文物京華陳雅奏

聖明聲教溢寰中

恭和

御製駕幸翰林院賜宴分韻聯句後復得詩四首并

示諸臣元韻

鄂容安

槐堂新構動陽春  
仙掌淋漓飽

御珍講易漸逢來  
復候題詩重

賜集賢臣雲霞日  
麗文章煥甲子

天開禮樂新千載  
崇儒懸

曠典非關封禪咏  
時巡

木天尺五駐儀鸞  
階下從容進德冠  
花入小春鐘外暖  
日融羣玉鏡中看  
侍臣分韻裁宮錦  
內使擎香剪月團  
文宿七星環斗極  
瀛洲千頃助詩瀾

宸章飛灑湛珠聯周雅靈臺又四篇地接西清承雨露  
身依東觀愧材賢三竿日轉聞天樂十月風和駐  
御烟華蓋晴暉凝不散衣冠樓閣總神仙

青冥契合動昭融乾惕彌深

聖主衷信以吁俞成典誥每於風雅見修崇星邊使節  
東都至日下分箋北序同泮水於論心獨切瞻依長在  
五雲中

恭和



御製駕幸翰林院賜宴分韻聯句後復得詩四首并  
示諸臣元韻

觀保

景風何處不流春  
曠典傳為翰墨珍  
文運逢時歸大雅  
君恩破格到儒臣  
木天但覺三冬暖  
芸葉都含五露新  
從此蓬山添故事  
玉堂曾被

玉鑾巡

繚繞霓旌控紫鸞  
槐廳羅列拜貂冠  
雲中樂奏從容聽  
天上詩成絡繹看  
酒泛宮壺心醉

德筵開鼎鼎錦成團欲知

帝澤深何許千尺波迴太液瀾

薇垣奕奕五星聯嘉宴爭歌在藻篇學海難窺

天子聖師門惟淑相公賢

賜來雲錦分宮綵望去

銀毫篆墨烟顧影乍驚凡骨蛻瀛洲今日會羣仙

清冰朗映玉壺融一片虛明屬

聖哀聲教訖於寰海遠

恩光直與斗山崇  
唐虞之際將毋似  
秦漢而還未許同  
五色雲邊迴

輦過日華恰好麗  
天中

恭和

御製駕幸翰林院  
賜宴分韻聯句後  
復得詩四首并  
示諸臣元韻

于敏中

集賢初啓澤如春  
燦爛瓊筵列八珍  
豈但詞林傳盛事  
果然

聖主得賢臣文聯東壁圖書滿詩叶南山松竹新此日  
天顏知有喜聽來鵲語繞簷巡

高梧翹鳳竹棲鸞仗下西清集珮冠宴鎬恍同天上坐  
登瀛遠勝畫中看

薰絃再撫卿雲爛法酒頻斟湛露團  
聖學淵深涵溟渤酌蠡何幸得觀瀾

堂陞情教上下聯侍臣同詠栢梁篇肯持薄技矜詞藻  
願凜躬行志聖賢

黼座千秋思進鑑金泥五色陋升烟  
由來官職因人重  
敢說蓬萊地是仙

殿頭

天語似春融從此詞垣奉折衷  
百六十人

恩並渥億千萬載道彌崇  
記言竊喜昌期遇保泰還欽  
一德同試向西奎瞻北斗  
紫微佳氣碧霄中

恭和

御製駕幸翰林院賜宴分韻聯句  
後復得詩四首并

示諸臣元韻

董邦達

璇霄大啟玉堂春

盛世川岩並效珍  
恰喜乾行逢泰運  
從知

聖主重賢臣  
蘭臺寵錫圖書富  
冊府光華禮樂新  
法醞  
遍霑歌既醉  
不須監史統筵巡

沙堤一帶集鵷鸞  
喜溢層雲日戴冠  
上相台階容接座  
鈞天法部許頻看

頒來瓊笈兼文綺  
捧出花牋並月團  
稠疊

天恩真異數只慙學海未觀瀾

堂陛賡歌一德聯雲霞綯采仰

鴻篇尊師已見崇

先聖勗德從教企昔賢讌罷金莖滋湛露歸來錦袖惹  
香烟詞林掌故應重紀底說坡仙與謫仙

甲子瑤圖淑氣融

九重乾惕切淵衷登三成五神逾凜舜倣堯咨業倍崇  
華蓋騰輝天意協鰲峯忭舞衆心同小臣竊幸依瀛海

長沐

恩波浩蕩中

恭和

御製駕幸翰林院賜宴分韻聯句後復得詩四首并

示諸臣元韻

宋楠

御墨曾題闋苑春  
驪珠字字總兼珍  
重揮金薤琳琅句  
遍及瀛洲侍從臣  
天祿餘光垂照遠  
玉堂佳話紀聞新  
獨慙



聖製高難和濡遍霜毫日幾巡

左安門外集鵷鸞拜

賜齊莪日下冠寶紵欲尋刀尺製龍縑仍入畫圖看高麗紙研輕雲母普洱茶分小月團

秘笈琅函尤鄭重敬從學海溯波瀾

華蓋星光七曜聯玉書重叠典謨篇桓榮車服由稽古張說文章在集賢久向池頭霑雨露可無筆底走雲烟房謀杜斷千秋業未要人呼是謫仙

讀書氣習漸消融想像唐賢好折衷無逸圖曾摹宋璟

臣於乾隆元年蒙  
欽命無逸圖賦散館

濟時策尚愧姚崇天根月窟階原

峻道篇言筌理本同仰觀

乾文常炳耀離明垂象日方中

恭和

御製駕幸翰林院賜宴分韻聯句後復得詩四首并

示諸臣元韻

鶴年

天臨清署乍回春川嶽瑰姿盡獻珍共慶文明開冊府

頻將優禮及詞臣

賜來玉軸羣書富望入璇霄湛露新待漏北扉魚鑰動  
森森劔佩敢逡巡

日華東畔集鵷鸞

翠輦過時盡整冠玉佩親承

天子顧雲韶特許侍臣看

龍章寶篆金為字碧網朱甍繡作團喜起一堂霑

聖澤鳳池倍覺長文瀾

栢梁嘉燕肅班聯侍從羣歌既醉篇

賜錦已知踰舊典登瀛實覺愧前賢日邊彩耀金蓮炬  
衣上香飄

御鼎烟彷彿身遊閭闔上何須蓬島始稱仙

運際昇平萬象融夔龍碩輔慶和衷

謙懷肯襲金泥陋

睿慮彌兢寶位崇直擬醇文追典誥未須訪道向空同  
欲知保泰無窮意盡在

天章七字中

恭和

御製駕幸翰林院賜宴分韻聯句後復得詩四首并  
示諸臣元韻

吳應枚

冰曹

帝賚十分春蓮炬金輝豈足珍

親莅蓬壺排綺讌

特隆輔弼領詞臣翬飛初見櫺楹燦架挿欣看卷軸新

千古卷阿差媲美游歌還只為時巡

夙駕遙聞噦噦鸞登瀛門外肅衣冠三霄

澤較瓊林勝五色雲連藝苑看漣乳酒醪香作液新聲  
舊蹟錦成團笙簧奏罷

丹墀靜泉湧紛飛

筆底瀾

雙瞻

寶翰日星聯寸晷從容可百篇不獨

揮毫詩入聖從教見道士希賢

硃題捧出凝霞彩黃帕傳來帶篆烟一自近光矚

至訓儒流何必艷稱仙

典冊淵涵義類融精研理蘊復

虛衷底須封檢詞踰侈所望箴規

德進崇三館獨叨珍賞備舉朝齊慶泰交同颺言莫罄

葵忱向願溥陽和徧域中

恭和

御製駕幸翰林院賜宴分韻聯句後復得詩四首并

示諸臣元韻

德保

六龍到處即陽春

宸翰高懸照夜珍  
奏賦漫言惟漢帝  
登瀛已覺愧唐臣  
風雲際遇賡揚古  
甲子昭回禮樂新  
鴛鴦叨陪瑤席末  
他時

玉輦望重巡

鳳池新築迓鳴鸞  
典禮雍雍儼劒冠  
萬舞簫韶徐入聽



九章袞冕近容看風和大地旗光定日麗中天扇影團  
擬向

君王歌白雉祇今四海慶安瀾

無縫天衣不屑聯俄看珠玉已成篇緣思俊彥開清秘  
為致英才闢集賢遲日漸移

金輅影微風細裊玉爐烟擎來綠篆雲霄上非質深疑  
閬苑仙

乾坤瑞氣藹融融

聖帝元臣喜合衷先後共由斯道覺古今初見此

恩崇嘉賓醉飽無差等王制尊卑有異同宴罷義和扶  
日馭仰看

紫極五雲中

恭和

御製駕幸翰林院賜宴分韻聯句後復得詩四首并  
示諸臣元韻

秦勇均

翠蓋擎來滿署春欲從冊府探奇珍道光二典文明

主禮重

三朝館閣臣宏敞木天規自昔輝煌丹地象初新玉堂  
典故多傳紀曾見金根到幾巡

敢謂瀛洲集鳳鸞朝陽真喜慶彈冠官懸韶濩堪同聽  
秘府圖書許共看宴傍

御筵香繞座綵連雲拱錦為團

恩波深沛儲才地網底珊瑚出海濶

昭回雲漢五星聯大雅宜歌壽考篇

聖藻流輝文見道

皇情圖治寶惟賢  
薪楨也共芝承露  
巖壑還看玉吐烟  
一德交孚黃閣老

盛朝真有地行仙

芸閣飄香瑞靄融

寵光逾分荷

宸衷共知有喜

天顏近願贊無疆

帝業崇左右史書霑化久古今圖籍賞心同觀文肇啟  
千秋運

虞陞欣瞻日正中

恭和

御製駕幸翰林院賜宴分韻聯句後復得詩四首并  
示諸臣元韻

栢謙

芸署風光早迓春延英最重廟廊珍星辰光啟圖書府  
雨露恩周侍從臣地接

龍光雲日近聲傳鳳沼管絃新

宸游信愜來歌意秘苑先邀

翠輦巡

翹羽聯翩集鳳鸞升階拜舞肅朝冠  
筵開分錫清班韻  
句就齊陳

黼座看曉日光華張錦幔瑞霞明麗映花團

天顏有喜重揮翰學海難窮萬頃瀾

杯浮玉瀝錦茵聯愜樂還歌在鎬篇調鼎允宜崇舊傳

登瀛何必讓前賢  
藏書東觀充雲棟  
珥筆西清引篆烟  
親見大羅天上事  
霓裳同詠聚羣仙

文治光昭景象融

訓詞敦切塵

宸衷材如房杜名  
無忝理究程朱學  
始崇

寵賚有加承澤厚  
感恩交勉此心同  
矢音欣繼卷阿咏  
常在和風化日中

恭和

御製駕幸翰林院賜宴分韻聯句後復得詩四首并

示諸臣元韻

張映斗

三霄長借玉堂春  
燾育羣才擬國珍  
光映台階連壁府  
頌申

聖主得賢臣  
鈞衡翊贊人  
惟舊戶牖歲銘德  
又新咫尺  
蓬瀛邀

玉軼崇文式  
化邁時巡

梧桐棲鳳竹棲鸞  
拜舞循牆共整冠  
法曲便從天上聽



寶書長向月中看  
龍鱗偃水雲流影  
燕綵飛花錦作團  
湛露均沾

恩澤厚總歸聖海  
拓文瀾

帝歌先引韻分聯  
孔思周情仰

睿篇契合薪傳文  
載道掃除稗學士  
希賢雲開  
黃幄調珠露日麗

彤墀起玉烟式讌  
禮成

頒賜渥璘璊十賚  
軼真仙

康衢歌鼓逗春融保泰勤惓切

聖衷官進三台增壯麗禮隆一德備優崇

天家雨露儲才廣

國計綢繆作室同獨愧

小臣

無補報葵忱惟慶日方中

恭和

御製駕幸翰林院賜宴分韻聯句後復得詩四首并

示諸臣元韻

楊述曾

帝車東指藹生春冊府圖書廊廟珍直以夔龍咨碩輔

不將嚴樂許詞臣明良已慶堂廉叶文物應同日月新  
豈似開元誇盛典祇希玉檢議時巡

式燕賡歌集鳳鸞金貂此日羨儒冠簫韶九奏行雲遏  
龍袞三霄近日看香茗分攜甘露渥青綾拜

賜麗花園玉河咫尺榮光滿蓬海何須溯紫瀾  
羣玉琳瑯揷架聯光躔

魏榜耀

鴻篇願書萬本勤稽古不愧千秋號集賢況沐

恩波深雨露頻頒

睿藻捧雲烟文章報

國慙無補敢擬人稱閬苑仙

陽和十月儼春融化入綢緼愜

聖衷已被需雲霑澤潤還期泰陞翊功崇光華代值文  
明晝翔洽歡徵品類同仰望日輪

皇鑒遠葵心長捧五雲中

恭和

御製駕幸翰林院賜宴分韻聯句後復得詩四首并

示諸臣元韻

鍾衡

六龍翔馭紫微春光照儒林列異珍已敕金蓮歸鎖院  
還書玉署付詞臣登瀛自昔文章盛

錫譙於今雨露新禮樂百年成鉅典雍雍清禁喜逡巡  
阿閣新巢集鳳鸞羣臣拜舞肅衣冠風吹簫管雲中聽  
日射旌旗樹裏看寶鼎分來流玉液琅函賜出簇花團  
侍臣初試紅絲硯沾得恩波助筆瀾

瑞靄文明星斗聯頌來

宸翰玉為篇瀛臺典籍新承

旨冊府圖書舊集賢

鳳詔九華臨日月

龍章五色燦雲烟應知

聖主儲才地不著蓬壺別院仙

賡歌喜起色冲融業業兢兢仰

聖衷直以泰交期道廣還將謙受致功崇周王鎬飲差

堪比漢帝汾歌未足同千載一時洵曠典百僚瞻拜五雲中

恭和

御製駕幸翰林院賜宴分韻聯句後復得詩四首并

示諸臣元韻

程鍾彥

陽和早逗

帝臺春冊府圖書啟祕珍道德光華依

聖主昇平翊贊引元臣

鑾鳴上應星杓麗輦跂羣瞻夏屋新萬古貞符金簡在  
蓬山咫尺紀東巡

桐蔭高岡集鳳鸞五雲閣下進賢冠珠躔每效辰居拱  
寶籙先呈

乙夜看南浦朝雲飛作棟上方春綵結成團九霄灑露  
宣

恩澤滙向瀛洲作紫瀾

七政祥開珠璧聯賡颺稠疊和



瑤篇

天心獨契文為道儒品還期藝且賢國寶球圖輝日月  
人材臺閣接雲烟文明鼓吹由經術豈讓琅琅振列仙  
璇題寶翰日華融獎勵恩勤仰

聖衷義篤臣鄰風自古心懷兢業德彌崇長昭著述千  
秋盛且喜誠和萬國同載筆摳衣歌在藻作成還記定  
方中

恭和

御製駕幸翰林院賜宴分韻聯句後復得詩四首并

示諸臣元韻

鄒一桂

玉堂良月早回春  
祕笈傳來冊府珍  
四庫分書榮祿閣  
三廳講幄重元臣  
登瀛事績當年盛

賜宴筵開此日新  
咫尺木天聞

警蹕鳬趨鵠立共逡巡

銅街旭日聽和鸞  
冰署爭彈貢禹冠  
鈞樂喜聆

宸座奏雲章得近

御屏看茗

頒六詔黃金嫩錦

賜三吳紫鳳團最是

天書擎捧出洗眸開帙慶觀瀾

柏梁裁體比星聯七字留傳樂府篇  
張說詩名唐代律  
鄒陽才愧漢廷賢  
孟凝湛露承金滴  
筆染爐香裊篆烟  
十載臺垣分籍久  
今朝重會大羅仙

英英壁宿瑞光融  
肅肅鵷行簡

帝衷疏瀹詞源儒術裕主持文教

聖功崇六經鼓吹鳴庠盛萬國車書仰大同賡拜明良  
新甲子璣衡舜日正天中

恭和

御製駕幸翰林院賜宴分韻聯句後復得詩四首并

示諸臣元韻

孫灝

東觀

綸宣藹若春吾

皇重道引儒珍賡歌拜手逢

昭代啟沃推心倚碩臣鳳羽雍容丹地密  
翬飛燦爛玉堂新歡同宴鎬

隆儀肅執爵油油禮幾巡

曾叨侍從接翔鸞復預

恩光戴法冠玉軸琳琅

三殿錫

奎文重疊五雲看聲鏘仙樂鈞天奏坐繞花甌旭日團

縻爵亦思酬尺寸涓流何以測洪濶

華蓋

親臨鷺序聯龍光

寵賚蓼蕭篇文關忠愛寧無本學但詞章未即賢芸館  
丁冬鈴索語槐廳縹緲玉爐烟開元豈擅論思室不取  
憑虛號集仙

垂衣

黼座日冲融頌不如規感

聖衷莫侈仙班蓬島近期增微壤泰山崇升賢殿改蘇  
裴和高議泥封漢宋同獨仰

宸章謨典合願持兢業

一言中

恭和

御製駕幸翰林院賜宴分韻聯句後復得詩四首并

示諸臣元韻

楊開鼎

蔥鬱光浮閭苑春崇儒

寵遇廟廊珍中天雲日瞻

明聖東觀文章重老臣祕籍只今弦誦永

寶書此日墨華新一回拜舞賡歌後詩滿霞箋酒滿巡  
綵仗橫空起翠鸞微臣新著惠文冠蟲雕七字含毫獻  
鳳吐連篇措笏看至意交孚春藹藹湛

恩汪濊露團團漫言伴奐卷阿樂翰灑文波見學瀾

君臣交省意綿聯不出克咨舜警篇春酒鎬宮傳盛事  
秋風汾水陋前賢玉堂鈴索搖清韻寶檻簾櫳裊素烟



此日西清多樂地都人爭羨紫霞仙

一德明良瑞日融笙簧酒醴樂和哀牙籤義闡程朱秘  
綺繡光分黼黻崇樂奏九韶音許似詩裁二典意堪同  
體元

天子調元相文教昌明允執中

恭和

御製駕幸翰林院賜宴分韻聯句後復得詩四首并

示諸臣元韻

周孔從

六龍飛御玉堂春

恩錫瓊筵盛八珍講侍金華優上相光分太乙屬詞臣  
賡歌雅叶

宸章麗提命重頒

睿藻新歡洽盈廷沾既醉蓬山好景樂周巡

金鋪瑞色集鵷鸞環列華茵拜

冕冠禮樂三千欣共覩畫圖十八喜重看瑤筐再捧丹  
霞錦碧椀新烹紫鳳團澤似玉河流浩蕩總歸瀛海壯

文瀾

星輝壁合與珠聯殊勝菁莪棧樸篇要識時康呈國瑞  
端由

主聖卜臣賢摩挲石刻文垂露披拂牙籤字帶烟三島  
十洲何足羨長依

紫禁即真仙

喜霽

天顏暖日融虔瞻

黼座凜葵衷西清式燕

恩波渥東壁聯吟典禮崇賀燕遷鶯今日共翔麟翥鳳  
萬方同

聖情有眷歲無逸一德明良景運中

恭和

御製駕幸翰林院賜宴分韻聯句後復得詩四首并

示諸臣元韻

邵齊燾

堂廉交泰澤如春燕喜榮分

御府珍

天上鏗鏘聞

帝樂階前賡拜慕虞臣百年學殖栽培舊九載文思砥礪新劉井柯亭光

睿筆仰承

恩寵共逡巡

蓬山

賜宴會鵷鸞髦士  
峩峩共正冠

璇命對揚稽首拜

瓊章暉麗舉頭看太陽俯鑒葵心向小草均霑露彩團  
頃刻

九重飛

帝唱文河齊許導漪瀾

歡迎

六御肅班聯拜

賜羣稱天保篇文裕經邦宣大道榮邀稽古邁前賢歲

粦祕籍餐鴻寶紛郁

宸章夢慶烟葑菲濫陪香案吏登瀛人說是神仙

昌期文物道光融舟楫鹽梅簡

聖衷伴奭游歌歸豈弟頻蕃

錫予荷珍崇臣才忝廁鄒枚後

帝德惟應堯舜同珥筆揄揚難遍述我

皇經緯在時中

恭和

御製駕幸翰林院賜宴分韻聯句後復得詩四首并

示諸臣元韻

寶光鼎

蓬島初迎十月春

聖皇崇獎廟廊珍簪毫幸際敷文代授簡榮稱博物臣  
金鏡光華千載耀木天堂構一番新瓊筵法酒甘於露  
心醉渾忘第幾巡

藝苑摘華集鳳鸞渾如新沐共彈冠北辰星聚知環拱  
東壁書全得飽看靜聽梁音三日統榮分錦段百花團



天恩浩蕩真同海觀海無能但溯瀾

煌煌

寶訓勗班聯匪但詞追雅頌篇謙受德崇兼志下泰交  
主聖望臣賢資清試酌冰甌茗氣直欣看玉鼎烟身到  
蓬山驚且愧凡才何以侶羣仙

太和宇宙氣冲融調燮還資共濟衷百谷轉忘滄海大  
一拳也贊泰山崇松扉颺拜遙堪媲玉檢荒唐迥不同  
須識右文歸重道

宸襟披豁

聖謨中

恭和

御製駕幸翰林院賜宴分韻聯句後復得詩四首并

示諸臣元韻

張泰開

湛露需雲藹若春蓬山式燕集儒珍遙聽噦鳳歡多士  
欲作和羹重老臣日到花甌猶是舊星開壁府已催新  
蘭臺自古儲才地得奉

鑾輿次第巡

瓊林只合待棲鸞敬仰

天章共整冠字軼鍾王隆

錫予詩成珠玉許傳看裁身宮錦分鴛綺沁齒天香散

鳳團瀛海

恩波原漱灩今朝新為注銀瀾

璇榜金題壁宿聯瑤箋復又璨鴻篇

王言渙汗崇稽古

帝念殷勤為集賢墨審萬年枝上露香縈太乙殿頭烟  
微臣幸得陪簪筆始信人間自有仙

月應陽春日正融昇平曲讌愜

宸衷

恩霑雨露由來渥身傍雲天未比崇詎有文章供潤色  
畧知帖括愧雷同賡颺更識

王心一盡在持盈保泰中

皇清文穎卷八十九